

II - ARABAKO LURRALDE HISTORIKOAREN TOKI ADMINISTRAZIOA

AMURRIOKO UDALA

Behin betiko onestea Amurrioko Antzokiko zerbitzuen prestazioaren tasa arautzen duen 7. zerga ordenantzaren 23. eranskina eta dagokion tasa ezartzea

Udalbatzak, 2021eko otsailaren 25eko bilkuran, behin-behinean onetsi zuen Amurrioko Antzokiko zerbitzuen prestazioaren tasa arautzen duen 7. zerga ordenantzaren 23. eranskina (2018/S062/11 espediente), eta 2021eko martxoaren 10eko 28. zenbakidun ALHAOn argitaratu zen. Erreklamaziorik aurkeztu ez denez, erabaki hori behin betikoa bihurtzen da, hala agintzen baitu Toki Ogasunak arautzen dituen legearen testu bateratua onartzen duen martxoaren 5eko 2/2004 Legegintzako Errege Dekretuak 17.3 artikuluan, eta jendaurrean jartzen da zerga ordenantzaren testu osoa, apirilaren 2ko 7/1985 Legeak 70.2 artikuluan eta aipatutako Legegintzako Errege Dekretuak (Toki Ogasunak arautzen dituen legearen. Testu bateratua onartzen duenak) 17.4 artikuluan aurreikusitakoaren ondorioetarako. ALHAOn argitaratu eta hurrengo egunean jarriko da indarrean. Hona hemen hitzez hitz:

AMURRIOKO ANTZOKIKO ZERBITZUEN PRESTAZIOAREN TASA ARAUTZEN DUEN 7. ZERGA ORDENANTZAREN 7.23 ERANSKINA

I. LEGE OINARRIA

1. artikulua

Amurrioko Udalak, Arabako Lurralde Historikoko Tokiko Ogasunen Foru Arau Erregulaztailearen 20. eta 25. artikuluetan, Konstituzio Auzitegiaren abenduaren 14ko 185/1995 Epaian, uztailaren 13ko 25/1998 Legean eta Toki ogasunen lege arautzailearen testu bategina onartzen duen martxoaren 5eko 2/2004 Legegintza Errege Dekretuaren 20. artikuluan xedatutakoak betez, Amurrioko Antzokiko zerbitzuen prestazioagatiko tasak ezartzen eta eskatzen ditu.

II. ZERGA EGITATEA

2. artikulua

Ordenantza hau Amurrioko udal mugarte osoan aplikatuko da.

3. artikulua

Zerga egitatea ordaindu beharreko kuotari buruzko artikuluan xedatuta dauden eta Amurrioko Antzokian kultura eta gizarte jarduerak garatzeko diren zerbitzuen prestazioak osatzen du.

III. SUBJEKTU PASIBOA

4. artikulua. Subjektu pasiboa

Amurrioko Antzokiko zerbitzu prestazioaren tasa ordaindu beharko dute lurralde historikoko Zergen Foru Arau Orokorren 35. artikuluko 3. apartatuan jasota dauden eta zerbitzuak edo jarduerak eskatzen dituzten edo horien onuradun edo eraginpeko diren pertsona fisikoek edo juridikoek eta erakundeek.

IV. SALBUESPENAK, MURRIZKETAK ETA HOBARIAK

5. artikulua. Ordainketen eta deskontuen politika

5.1. Zikloen, denboraldien edo programazio moten arabera ordainketak egin ahal izango dira, eta horiekin, ikuskizunetarako banakako prezioen baturaren % 10 eta % 50 arteko deskontua lortuko da.

5.2 Ikastetxe publikoekin eta pribatuekin hitzartutako ikuskizunetarako banakako sarrera berezien prezioa 0 eta 5 euro artekoa izango da.

5.3 Gazte Txartela.

Gazte Txartela duten gazteek 2 euroko deskontua izango dute zuzeneko ikuskizunetarako sarreretan.

Deskontu hori artikulu honetako gainerako hobariekin metatu ahal izango da.

5.4 Bazkideen politika.

Amurrioko Antzokiko bazkide txartela dutenek honako abantailak izango dituzte:

- Amurrioko Antzokiko ikuskizunetako sarrera indibidualetan deskontuak izango dituzte.
- Bazkideen txartelak izendunak izango dira eta Amurrioko Antzokiak programatutako ikuskizunetarako sarreretan deskontuak jasoko dituzte prezioen taularen arabera. Bazkide bakoitzak deskontudun sarrera bat erosi ahal izango du ikuskizun bakoitzerako.

PREZIOEN TAULA /IKUSKIZUNAREN PREZIOA	BAZKIDEENTZAKO PREZIOA
3 euro	2 euro
4 euro	3 euro
5 euro	4 euro
6 euro	5 euro
8 euro	6 euro
9 euro	7 euro
10 euro	8 euro
11 euro	9 euro
12 euro	10 euro
13 euro	11 euro
14 euro	12 euro
15 euro	13 euro
16 euro	14 euro
17 euro	15 euro
18 euro	16 euro
19 euro	17 euro
20 euro	18 euro
(Edozein zenbateko, 30 eurora arte)	(2 euro gutxiago)

- Sarrerak erosteko lehentasuna. Bazkideek sarrerak erosi ahal izateko egun jakin batzuk egongo dira, eta bazkide bakoitzak sarrera bat erosi ahal izango du dagokion deskontuarekin.

- Amurrioko Antzokiak programatutako edozein zinema saioetarako doako sarrera, gehie-
nez ere 4 saioetarako 14 hilabeteko epean, hau da, urte oso batean eta aurreko abenduan eta hurrengo urtarrilean. Doako 4 saioetarako zinebona emango da.

- Amurrioko Antzokiko ikuskizunetarako prezioan ehuneko 10era arteko deskontua.

- Helbide elektronikoan Amurrioko Antzokiko programazioari buruzko informazioa jasotzea.

5.5 Zinema programazioarekiko fidelizazio politika.

Amurrioko Antzokiak zinebonaok salduko ditu publikoa zinema programazioan fidelizatzeko helburuarekin.

Zinebona izenduna izango da eta titularrak Amurrioko Antzokiko lau zinema saiotara joateko aukera izango du.

Ekitaldi bakoitzeko zinebonoaren indarraldia 14 hilabetekoa izango da, hau da, indarrean dagoen urtea eta haren aurreko abendua eta hurrengo urtarrila kontuan hartuko dira.

Amurrioko Antzokiak programatutako zinema saio guztietara joateko aukera egongo da.

5.6 Alokairuen politika.

Alokairuen apartatuan adierazitako kuoten ehuneko 30era arte murriztu ahal izango da erakunde berak urtebetean modu esanguratsuan eta jarraituan instalazioak erabiltzeko eskaria egiten baldin bada (hau da, urtebetean jarraituak ez diren 4 egun baino gehiago).

5.7 Amurrioko Udalak Amurrioko Antzokiko instalazioak doan erabiltzeko baimena eman ahal izango du eskatzailearen kultura, gizarte, kirol edo ongintza interesa kontuan hartuz, eta, bereziki, eskatzaileak helbide soziala Amurrion duten irabazi asmorik gabeko kultura, gizarte, kirol edo ongintza elkarteak direnean.

5.8. Publizitate iragarkiak proiektatzeari dagokionez, eskatzaileak Amurrioko edo Aiaraldeko kultura taldeak edo elkarteak direnean eta ohiko moduan udalerrri horretan kultura jarduerak egiten dituztenean, iragarkiak doan proiektatzeko zerbitzuak doan eman ahal izango dira, betiere, jarduerok lehenetsuzko kultura interesa dutenean aurretiaz udalak ebazpena eman ondoren edo talde edo erakunde eskatzaileek Amurrioko Udalarekin sinatutako eta indarreko hitzarmena dutenean, zeinak berariaz jasota izan beharko duen publizitate iragarkiak proiektatzeko aukera.

V. KUOTA

6. artikulua

Hauek izango dira zerga kuotak:

6.1 AMURRIOKO ANTZOKIKO ZERBITZUAK.

Bazkide txartela, banakako kuota urtarriletik abendura	21,00 euro
Bazkide txartelaren kopia egitea, hura galdu baldin bada	1,00 euro
Zinebono txartela, 14 hilabeteko kuota	12,55 euro

ZINEMA KOMERTZIALA	
Sarrera orokorraren prezioa	5,00 euro
Ikusleen eguna (astelehena)	3,75 euro
Umeentzako saioak	3,75 euro

BESTE ZINEMA BAT	
Zine Kluba, umeentzako goizeko saioak eta kolektibo jakin bati zuzendutako saio bereziak (umeak, adinekoak, gazteak, eta abar), gizarte eta kultura xedek betetzeko	0 - 4 euro

ZUZENeko IKUSKIZUNAK	
Sarreraren prezioa	1 - 30 euro
Ikuskizun amateurak edo hitzarmenen arabera hirugarrenek antolatutakoak	0 - 20 euro

Udalak gehienez ere 10 gonbidapen gorde ahal izango ditu antzerki edo ikuskizun konpainientzat.

Beste Zinemako eta Zuzeneko Ikuskizunetarako sarreraren kuota saioaren edo ikuskizunaren nolokotasunaren arabera zehaztuko da, administrazio ebazpenaren bidez erabakitako irizpideen arabera:

Zuzeneko ikuskizunen prezioak honako parametroen arabera aldatuko dira:

- Ikuskizunaren kaxeta.
- Hizkuntza.

Ikuskizuna euskaraz eta nagusientzako baldin bada, prezioa ehuneko 10 eta ehuneko 20 artean murriztuko da.

c) Nori zuzenduta dagoen. Ikuskizuna gazteei edo adinekoei zuzenduta baldin badago, prezioa ehuneko 10 eta ehuneko 20 artean murriztu ahal izango da.

d) Ikuskizunarekiko sortu daitezkeen itxaropenak, dimentsio komertziala.

Bai publizitatea dela, bai aktore edo abeslari oso ezagunek parte hartzen dutelako, bai jarraitzaile fenomeno dagoelako, antzerki obrarekiko itxaropen asko sortzen badira, prezioa ehuneko 10 eta ehuneko 20 artean gehitu ahal izango da.

Umeentzako ikuskizunak:

800,00 eurora arteko ikuskizunak: 3,00 euro.

3.000,00 eurora arteko ikuskizunak: 4,00 eta 5,00 euro artean.

4.000,00 eurora arteko ikuskizunak: 5,00 eta 6,00 euro artean.

5.000,00 eurora arteko ikuskizunak: 7,00 eta 8,00 euro artean.

Antzerkia/ikuskizunak:

Antzerki profesionala.

3.000,00 eurora arteko ikuskizunak: 8,00 euro.

4.000,00 eurora arteko ikuskizunak: 10,00 euro.

6.000,00 eurora arteko ikuskizunak: 12,00 euro.

8.000,00 eurora arteko ikuskizunak: 15,00 euro.

10.000,00 eurora arteko ikuskizunak: 18,00 eta 20,00 euro artean.

Antzerki amateurra: 3,00 eta 6,00 euro artean.

Musika:

2.000,00 eurora arteko kontzertuak: 6,00 euro.

4.000,00 eurora arteko kontzertuak: 10,00 euro.

6.000,00 eurora arteko kontzertuak: 12,00 eta 14,00 euro artean.

10.000,00 eurora arteko kontzertuak: 15,00 eta 18,00 euro artean.

Kontzertu amateurak: 3,00-6,00 euro.

Dantza:

Dantza profesionala.

2.000,00 eurora arteko ikuskizunak: 6,00 euro.

4.000,00 eurora arteko ikuskizunak: 8,00 euro.

6.000,00 eurora arteko ikuskizunak: 10,00 euro.

8.000,00 eurora arteko ikuskizunak: 12,00 euro.

10.000,00 eurora arteko ikuskizunak: 15,00 eta 18,00 euro artean.

Dantza amateurra: 3,00 eta 8,00 euro artean.

AMURRIKO ANTZOKIKO ARETOA ALOKATZEA	
Konferentziak, mintegiak, kultura jarduerak, muntaiak, bilerak, bideo lipen grabazioak eta antzekoak egiteko aretoa alokatzea, doako sarrerarekin: (Prezio finkoa 4 ordura arte) (Prezio finkoa 4 ordutik aurrera eta gehienez ere 8 ordura arte)	300,00 euro 425,00 euro
Ikuskizunetarako entseguak egiteko alokairua (Prezio finkoa 4 ordura arte) (Prezio finkoa 4 ordutik aurrera eta gehienez ere 8 ordura arte)	150,00 euro 275,00 euro
Konferentziak, mintegiak eta kultura jarduerak edo muntaiak egiteko aretoa alokatzea, doakoa ez den sarrerarekin: (Prezio finkoa 3 ordura arte) (Prezio finkoa 3 ordutik aurrera eta gehienez ere 4 ordura arte) (Prezio finkoa 4 ordutik aurrera eta gehienez ere 8 ordura arte) (Prezio finkoa jaiegunetan, 4 ordura arte) (Prezio finkoa jaiegunetan, 4 ordutik aurrera eta gehienez ere 8 ordura arte)	350,00 euro 425,00 euro 650,00 euro 528,00 euro 815,00 euro
Saio zinematografikoentzako edo bideoak proiektatzeko aretoa alokatzea, doako sarrerarekin: (Prezio finkoa 3 ordura arte) (Prezio finkoa 3 ordutik aurrera eta gehienez ere 4 ordura arte)	300,00 euro 400,00 euro
Saio zinematografikoentzako edo bideoak proiektatzeko aretoa alokatzea, doakoa ez den sarrerarekin: (Prezio finkoa 4 ordura arte) (Prezio finkoa jaiegunetan, 4 ordura arte) (Prezio finkoa jaiegunetan, 4 ordutik aurrera eta gehienez ere 8 ordura arte)	425,00 euro 528,00 euro 815,00 euro
Aretoan soinu tapen edo argiztapen ekipoa behar izanez gero	255,00 euro/eguneko
Ordu osagarriak alokatzea	100,00 euro/orduko

Jaiegunak dira igande guztiak eta Amurrioko jaiegun guztiak.

Aretoa alokatzeak esan nahi du Amurrioko Antzokiko areto publiko guztiak alokatzea (atondoa, aldagela, agertokia, aretoa eta zerbitzuak), eta barne egongo dira megafonia zerbitzua (gehienez ere 3 mikrofono), bideo proiektorea edo proiektore digitala, oinarrizko argiztapen zuria, aretoaren garbiketa, aretoko teknikari baten laguntza, sarrera eta kokapen zerbitzua emateko pertsona eta beharrezkoa bada, sarrerak saltzeko langileak baita ere. Ikuskizunetarako entseguak egiteko alokairuetan ez da garbiketa zerbitzurik egongo.

Udalak ebazpena eman beharko du Amurrioko Antzokiko instalazioak alokatzeko baimena emateko, eta baimen hori ukatu ahal izango da jarduera aretoko helburuekiko egokia ez baldin bada. Horretarako, gutxienez 15 egun aurretik idatzizko eskaria aurkeztu beharko da. Instalazioak alokatzeko eskariak ere idatziz ezeztatuko dira gutxienez 5 eguneko aurrerapenarekin.

6.2 UDALEKO BESTE ARLOEK AMURRIKO ANTZOKIAN JARDUERAK ANTOLATZEA.

Udaleko arloek jarduera bat eskaintzeko antzokia erabili nahi dutenean, ekitaldia antolatzeke ardurua duen arloak, 15 egun aurretik eskaria egiteaz gain, jarduerarako beharrezkoa den langileen kostua bere gain hartuko du. Beraz, laguntza teknikoaren, leihatilako edo zinema operadorearen eta garbiketaren orduko prezioak ordaindu beharko dizkio zuzenean zerbitzuaren enpresa adjudikaziodunari.

6.3 PUBLIZITATEKO IRAGARKIAK PROIEKTATZEKOTASA.

Amurrioko Antzokian PUBLIZITATEKO IRAGARKIAK PROIEKTATZEKOTASA ordaindu beharko dute pertsonak edo enpresek; iragarkiok ez dira 90 segundo baino gehiagokoak izango eta kontratatutako saio guztietan emango dira	
Kontratututako epea	
Iragarki 1	50,00 euro
Asteburu batean, hau da, larunbatean, igandean eta astelehenean programatutako saio guztietan emititzea	100,00 euro
Iragarki hilabete bateko saio guztietan emititzea (gutxienez 8 iragarki)	300,00 euro

VI. SORTZAPENA ETA ZERGALDIA

7. artikulua

Dagokion tasa zerbitzua edo jarduera egiten denean sortuko da.

VII. ORDAINTZEKO BEHARRA

8. artikulua

Ikusleek ordaintzeko beharra izango dute, izan ere, udalak, elkarteak edo legez eraturako kolektiboak programaturako jarduerarako sarrera eskuratzean leku bat gordeko da.

9. artikulua

Erakunde antolatzaileek eta/edo sustatzaileek ordaintzeko betebeharra izango dute, izan ere, antezlanak egiteko, etorkizuneko ikuskizunetarako entseguak egiteko, kolektiboak eta elkarteak biltzeko, konferentziak eta proiektzioak egiteko eta abarrerako instalazioak erabiliko dituzte.

Ez dute ordaintzeko egin beharko zuzenean Amurrioko Udalak babestutako edo diruz lagundutako jarduerak eta honako hauek:

9.a. Hirugarren pertsonen onurarako edo norbere onurarako egiten diren jarduketak, erakunde interesdunak hala eskatuta. Horretarako, erakunde sustatzaileak eskarian adierazi beharko du sarreraren prezioa eta diru-bilketaren pertsona edo erakunde onuraduna nor den. Lagapena ongintzazkoa izango da diru-bilketaren erakunde edo elkarte onuraduna elkarte bat baldin bada eta bere estatutuetan irabazi asmorik gabeko ongintzazko xedeak, helburu humanitarioak, gizartekoak, kulturalak edo kirolekoak jasota baldin baditu.

9.b. Udalerriko ikastetxeak antolatutako denboraldi baterako jarduketa, betiere, herritar guztiei zuzenduta badago eta era berean, irabazi asmorik gabeko ongintzazko xedeak, helburu humanitarioak, gizartekoak, kulturalak edo kirolekoak baldin baditu.

9.c. Beharrianengatik egiten diren erabilerak, larrialdi egoerei edo hondamendiei aurre egiteko eta populazio zibilari laguntzeko arrazoi humanitarioak tarteko.

9.a eta 9.b artikuluetako jarduketak eta jarduerak aurretiaz onetsiko dira edo udalaren ebazpen baten bidez ordaintzeko betebeharrari atxiki gabe daudela adieraziko da.

VIII. LIKIDAZIOA ETA ORDAINKETA

10. artikulua

Amurrioko Udalak kontzeptu bakoitzari dagokion likidazioa egingo du eta erabili aurretik dagokion zenbatekoa ordaindu beharko da.

IX. TASAK KUDEATZEA

11. artikulua

Ordenantza honek araututako tasen likidazio, bilketa eta ikuskatzearen gaineko guztian, eta zergen arloko arau hausteen kalifikazioari eta zehapenak zehazteari dagokien guztian, Arabako Lurralde Historikoaren zergei buruzko Foru Arau Orokorrean xedatutakoa aplikatuko da.

AZKEN XEDAPENA

Amurrioko Antzokiko zerbitzuen prestazioaren tasa arautzen duen 7. zerga ordenantzaren 23. eranskina indarrean jarriko da ALHAOn argitaratu eta hurrengo egunean, eta indarrean egongo da aldaketa edo baliogabetzea erabakitzen denera arte.

Amurrio, 2021eko apirilaren 29a

Alkatea

JOSÉ RAMÓN MOLINUEVO LAÑA